

**Pesawat Hilang: MAS Bekerjasama Dengan Pihak Berkuasa Kecemasan
Bernama
8 Mac, 2014**

KUALA LUMPUR, 8 Mac (Bernama) -- Malaysia Airlines kini menumpukan perhatian untuk bekerjasama dengan pasukan tindakan kecemasan dan pihak berkuasa dan menggerakkan sokongan penuhnya untuk mencari pesawat yang hilang Sabtu dalam penerbangan dari Kuala Lumpur ke Beijing.

Ketua Pegawai Eksekutif Kumpulannya Ahmad Jauhari Yahya berkata pesawat Boeing 777-200, tidak menunjukkan sebarang petanda kecemasan dan juga tidak ada tanda cuaca buruk semasa terputus hubungan pada 2.40 pagi ini.

Penerbangan itu berlepas dari Kuala Lumpur pukul 12.41 pagi ke Beijing dan dijadual mendarat di Lapangan Terbang Antarabangsa Beijing pada 6.30 pagi (waktu tempatan di Beijing). Ia membawa 227 penumpang, dua daripadanya bayi dan 12 kru penerbangan.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1020267>